



Broj predmeta: 02-000033/21
Broj akta: 01.1-1413EK-017/21
Datum, 26.2.2021.. godine
Mjesto, Brčko

Na osnovu člana 16. i člana 17. Zakona o Vladi Brčko distrikta Bosne i Hercegovine – prečišćeni tekst („Službeni glasnik Brčko distrikta BiH“, broj: 22/18, 49/18, 8/19, 10/19 i 32/19) i Odluke o imenovanju Štaba za zaštitu i spašavanje Brčko distrikta BiH, broj predmeta: 02-000049/20, broj akta: 01.11-0566LO-006/20 od 13. 3.2020. godine, broj akta: 01.11-0566LO-012/20 od 13. 3. 2020. godine i broj akta: 01.11-0566LO-020/20 od 16. 3.2020. godine, a u skladu s članom 18. tačkom o), članom 19. tačkom a), članovima 35. i 37. stavom (1) Zakona o zaštiti i spašavanju ljudi i materijalnih dobara od prirodnih i drugih nesreća u Brčko distriktu Bosne i Hercegovine („Službeni glasnik Brčko distrikta BiH“, broj: 29/16 i 33/16), Odlukom o proglašenju stanja prirodne nesreće zbog COVID-19 (korona virus), broj predmeta: 43-000096/20, broj akta: 01.1-1141SM-001/20 od 13. 3.2020. godine, u vezi s Odlukom o proglašenju ugroženosti stanovnika Brčko distrikta BiH od epidemije zarazne bolesti – korona virusa (COVID-19), broj predmeta: 02-000049/20, broj akta: 01.11-0566LO-001/20 od 11. 3.2020. godine i broj akta: 01.11-0566LO-003/20 od 12. 3.2020. godine, članovima 5. i 6. Poslovnika o načinu rada i rukovođenju Štabom za zaštitu i spašavanje Brčko distrikta BiH, broj predmeta: 02-000057/20, broj akta: 01.11-0566LO-004/20 od 20. 3.2020. godine, komandant Štaba, gradonačelnik Brčko distrikta BiH dana 26. 2.2021. godine i z d a j e

N A R E D B U

Član 1.

Dozvoljava se svim svadbenim salonima na teritoriji Brčko distrikta Bosne i Hercegovine organizovanje svečanih proslava uz obavezno poštivanje svih epidemioloških preporuka za ponašanje tokom okupljanja u zatvorenom i otvorenom prostoru iz člana 2. ove Naredbe.

Član 2.

- (1) Pojačana lična higijena, treba izbjegavati nečistim rukama dodirivati usta, nos, oči i lice.
- (2) Fizička udaljenost
 - a) Za cijelo vrijeme boravka u svim prostorima, uključujući dolazak i odlazak, preporučuje se održavanje fizičkog razmaka između osoba od 1,5 metra.
 - b) Pravilo razmaka ne mora se primjenjivati između članova istog domaćinstva ili osoba koje su uobičajeno u bliskom kontaktu
- (3) Preporučuje se korištenje maske za lice osoblju koje posluhuje na slavljinama.
- (4) Ograničenje ukupnog broja osoba:

- a) Najveći broj osoba koji mogu istovremeno boraviti u zatvorenim i na otvorenim prostorima, uz poštovanje preporučenog fizičkog razmaka od 1,5 metra među posjetiteljima odnosno jedna osoba na 2,5 m², organizatori će odrediti u skladu sa veličinom prostora objekata i objekata predviđenih za slavlja.
 - b) Organizator je obavezan istaći na vidno mjesto uputstvo o ponašanju i veličinu prostora objekta.
- (5) Preporučuje se vođenje evidencije učesnika i osoblja radi lakšeg praćenja kontakata u slučaju eventualne pojave zaraze virusom SARS-CoV-2 gdje će se prikupljati osnovni podaci: ime, prezime i broj telefona.
 - (6) Učesnici i osoblje trebaju prije slavlja izmjeriti tjelesnu temperaturu. Ako je tjelesna temperatura u jutarnjim satima viša od 37,2 °C, ako se osjeća bolesno ili ima bilo koje znakove bolesti (odnosi se na sve simptome i znakove bolesti, ne samo na bolesti disajnih puteva), ne preporučuje se odlazak na posao i na slavlja.
 - (7) Na ulazu u prostor te u samom prostoru na lakše dostupnim mjestima osigurati učesnicima i osoblju dozator s dezinfekcionim sredstvom za ruke i jasno istaknuto obavještenje o obavezi dezinfekcije ruku (dozator s dezinfekcionim sredstvom na bazi 70% alkohola).
 - (8) Osoblje treba voditi računa da dozator pravovremeno dopune novim količinama dezinficijensa kako bi ga uvijek bilo dovoljno.
 - (9) Preporučuje se da se unaprijed označe sva sjedeća mjesta koja međusobno trebaju biti udaljena najmanje 1,5 metar i da se ograniči broj učesnika na najviše koliko ima označenih mjesta, isključivo sjedeća mjesta.
 - (10) Ulazak u prostor i raspored sjedenja:
 - a) Učesnici trebaju ulaziti u prostor gdje se održava slavlje tako da se ne zadržavaju i ne grupišu i što kraćim putem dođu do svog stola.
 - b) Preporučuje se da najprije ulaze učesnici koji sjede u najudaljenijem dijelu prostora gledajući od vrata i tako po redu.
 - c) Preporučuje se da za istim stolom budu smješteni učesnici koji su u uobičajenom kontaktu.
 - d) Također se preporučuje da raspored sjedenja bude tačno utvrđen i nepromijenjen tokom trajanja slavlja.
 - (11) Preporučuje se da se pozornica postavi na udaljenost od 4 m od ostalih učesnika. Razmak od 2 metra preporučuje se između muzičara/izvođača.
 - (12) Broj osoba koje istovremeno mogu boraviti na plesnom podiju zavisi od veličine podija te je preporuka da se osigura prostor od 2,5 m² po osobi.
 - (13) Tokom aktivnosti intenzivnijeg plesa preporučuje se održavanje fizičke udaljenosti od 1,5 m između osoba, osim između osoba koje su u uobičajenom kontaktu.
 - (14) Zbog manjeg grupisanja učesnika oko šanka ili švedskog stola preporučuje se posluživanje hrane i napitaka isključivo na stolove ispred gosta.
 - (15) Za vrijeme proslave nije dozvoljeno dijeliti čaše, drugo posuđe i pribor i sve ostale predmete s drugim osobama.

- (16) Opća preporuka za unutrašnje prostore je prozračivanje otvaranjem prozora, a manje korištenjem ventilacijskih sistema.
- (17) Sve prostorije, često dodirivane površine kao što su ručke na vratima, ručke na prozorima, radne površine, rukohvati, slavine u toaletima, tipke vodokotlića, prekidači za struju i druge dodirne površine koje koristi veći broj osoba neophodno je dezinfikovati prije početka slavlja i nakon završetka slavlja.
- (18) Obavezno koristi papirnate ubruse.

Član 3.

Ova naredba stupa na snagu 1. marta 2021. godine, a objavit će se u „Službenom glasniku Brčko distrikta BiH“.

DOSTAVITI:

1. Uredu gradonačelnika
2. Zamjeniku gradonačelnika
3. Glavnom koordinatoru Vlade Brčko distrikta BiH
4. Sekretaru Vlade (3x)
5. Odjeljenju za zdravstvo i ostale usluge
6. Odjeljenju za zdravstvo i ostale usluge
- Pododjeljenje za javno zdravstvo
7. JZU „Zdravstveni centar Brčko“ Brčko distrikt BiH
8. Svim odjeljenjima Vlade (12x)
9. Uredu gradonačelnika / Inspektorat
10. Policiji Brčko distrikta BiH
11. Članovima Štaba (34x)
12. Ministarstvu sigurnosti BiH – Granična policija BiH
13. Institucijama Brčko distrikta BiH (8x)
14. Javnim preduzećima, fondovima i Zavodu (7x)
15. „Službenom glasniku Brčko distrikta BiH“
16. Arhivi

GRADONAČELNIK

Esed Kadrić

